

ÁKVÖRÐUN FRAMKVÆMDASTJÓRNARINNAR

2007/EES/54/02

frá 20. apríl 2004

um skilyrði fyrir markaðssetningu fræblandna sem nota á til ræktunar fóðurjurta (*)

(tilkynnt með númeri C(2004) 1429)

(2004/371/EB)

FRAMKVÆMDASTJÓRN EVRÓPUBANDALAGANNA HEFUR,
með hliðsjón af stofnsáttmála Evrópubandalagsins,

með hliðsjón af tilskipun ráðsins 66/401/EBE frá 14. júní 1966 um markaðssetningu fóðurjurtafræja⁽¹⁾, einkum þriðju undirgrein 1. mgr. 13. gr.,

og að teknu tilliti til eftirfarandi:

- 1) Samkvæmt tilskipun 66/401/EBE er heimilt að setja á markað fræblöndur sem nota á til ræktunar fóðurjurta ef hinir ýmsu efnisþættir blöndunnar uppfylla, til viðbótar ákvæðum um lokun og merkingu umbúðanna, gildandi reglur Bandalagsins um markaðssetningu þeirra fyrir blöndun.
- 2) Til að tryggja frjálsan flutning á fræblöndum, sem nota á til ræktunar fóðurjurta, ber að ákveða skilyrði fyrir framleiðslu, skoðun á framleiðslu og merkingu slíkra blandna.
- 3) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um fræ og fjölgunarefni í landbúnaði, garðyrkju og skógrækt.

SAMÞYKKT ÁKVÖRÐUN ÞESSA:

1. gr.

Í þessari ákvörðun er kveðið á um skilyrði fyrir framleiðslu, skoðun á framleiðslu og merkingu fræblandna sem ætlaðar eru til ræktunar fóðurjurta til viðbótar þeim skilyrðum sem sett eru fram í tilskipun 66/401/EBE.

2. gr.

Aðildarríkin skulu krefjast þess að fyrirtæki sem framleiða fræblöndur:

- a) hafi sett upp blöndunarbúnað sem tryggir einsleitni fullunninnar blöndu,
- b) noti viðeigandi aðferðir við alla blöndunarstarfsemi,
- c) feli einum starfsmanni beina ábyrgð á blöndunarstarfseminni,

- d) haldi skrá yfir fræblöndur sem nota á til ræktunar fóðurjurta.

3. gr.

Fyrirtæki sem hyggjast framleiða fræblöndur skulu tilkynna yfirvaldinu, sem um getur í 2. lið c-liðar í I. þætti A-hluta í IV. viðauka við tilskipun 66/401/EBE, eftirfarandi:

- a) samsetningu ýmissa efnisþátta, í hundraðshlutum eftir þyngd, sundurliðað eftir tegundum og, þar sem við á, eftir yrkjum.
- b) heiti blöndunnar þegar fyrirhugað er að merkja umbúðirnar með því.

4. gr.

1. Yfirvaldið sem um getur í 3. gr. skal annast eftirlit með framleiðslu fræblandna.

2. Eftirlitið skal taka til:

- a) eftirlits með auðkenni og heildarþunga hvers efnisþáttar, a.m.k. með slembiathugunum á opinberum merkimiðum sem auðkenna fræumbúðirnar, og
- b) slembiathugana á blöndunarstarfseminni, þ.m.t. fullnum blöndum.

5. gr.

Ítarlegar upplýsingar um notkun til ræktunar fóðurplantna skulu koma fram á opinbera merkimiðanum og/eða merkimiða birgis.

6. gr.

Ákvörðun þessari er beint til aðildarríkjanna.

Gjört í Brussel 20. apríl 2004.

Fyrir hönd framkvæmdastjórnarinnar,

David BYRNE

framkvæmdastjóri.

(*) Þessi EB-gerð birtist í Stjórnartíð. ESB L 116, 22.4.2004, bls. 39. Hennar var getið í ákvörðun sameiginlegru EES-nefndarinnar nr. 161/2004 frá 3. desember 2004 um breytingu á I. viðauka (Heilbrigði dýra og plantna) við EES-samninginn, sjá EES-viðbætur við Stjórnartíðindi Evrópusambandsins nr. 26, 26.5.2005, bls. 1.

(¹) Stjórnartíð. EB 125, 11.7.1966, bls. 2298/66. Tilskipuninni var síðast breytt með tilskipun 2003/61/EB (Stjórnartíð. ESB L 165, 3.7.2003, bls. 23).